

Na osnovu člana 72. stav (8) Zakona o osnovnom odgoju i obrazovanju („Službene novine Tuzlanskog kantona“, broj: 6/04, 7/05 i 17/11) i člana 104. stav (8) Zakona o srednjem obrazovanju i odgoju („Službene novine Tuzlanskog kantona“, broj:17/11), Ministarstvo obrazovanja, nauke, kulture i sporta Tuzlanskog kantona, donosi

P R A V I L N I K

o izmjenama i dopunama Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona

Član 1.

U Pravilniku o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona broj: 10/1-34-018011-2/15 od 31.07.2015 godine iza člana 9. dodaje se novi član 9a. koji glasi:

„Član 9a.

(Osvarivanje prava po osnovu pripadnosti braniocima ili članovima njihovih porodica)

(1) Ostvarivanje prava iz ovog pravilnika po osnovu pripadnosti braniocima ili članovima njihovih porodica, bez obzira na starosnu dob, pripada nezaposlenom kandidatu koji se nalazi na evidenciji Službe za zapošljavanje, ukoliko ispunjava potrebne uslove za rad na radnom mjestu na koje se prijavljuje.

(2) U smislu ostvarivanja prava iz stava (1) ovog člana kandidat je dužan prilikom prijavljivanja na konkurs ili oglas, pored dokumenata kojim dokazuje pripadnost nekoj od boračkih kategorija, dostaviti i uvjerenje Službe za zapošljavanje Tuzlanskog kantona da se nalazi u statusu nezaposlenog lica i na evidenciji iste.

(3) Prava po osnovu pripadnosti braniocima ili članovima njihovih porodica, zasnovana na odredbama ovog pravilnika, ne može ostavriti kandidat kojem je radni odnos prestao njegovom krivicom ili koje je po prestanku radnog odnosa ostavriilo pravo na otpremninu , odnosno koje je korisnik prava na porodičnu penziju“.

Član 2.

U članu 20 stav (1) iza riječi „po osnovu pripadnosti boračkoj populaciji“ dodaju se riječi „odnosno radne obaveze,“.

U istom članu u stavu (11) na kraju teksta briše se tačka i dodaju riječi „ kao i djecu demobilisanih boraca“.

U istom članu iza stava (12) dodaje se novi stav (13) koji glasi:

„(13) Škole kandidate boračke populacije ne mogu bodovati po dva osnova i po pripadnosti boračkoj populaciji i po osnovu radne obaveze“.

Član 3.

Član 22. mijenja se i glasi:

„Član 22. (Prigovor)

(1) Kandidat koji je nezadovoljna rang listom ili odlukom o prijemu kandidata iz člana 20. stav (4) i (7) ovog pravilnika, imaju pravo da u roku od tri dana od dana isticanja istih izjavi prigovor Školskom odboru.

(2) Školski odbor je dužan donijeti odluku po prigovoru najkasnije dva dana od dana isteka roka za prigovor.

(3) Odluka Školskog odbora je konačna.

Član 4.

Član 23. mijenja se i glasi:

„Član 23. (Zaključivanje ugovora o radu)

Direktor škole je je dužan po konačnosti odluke o izboru kandidata zaključiti ugovor o radu sa izabranim kandidatom“.

Član 5.

Ovaj Pravilnik stupa na snagu danom donošenja i bit će objavljen u „Službenim novinama Tuzlanskog kantona“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo obrazovanja, nauke,
kulture i sporta
Broj:10/1-34-018011-4/15
Tuzla,7.8.2015. godine**

MINISTAR

mr.sci. Izet Jagodić, s.r.